

ACTA DA SESIÓN CELEBRADA POLA XUNTA DE GOBERNO LOCAL O DÍA VINTE E NOVE DE SETEMBRO DE 2009, CON CARÁCTER ORDINARIO.

SRES. ASISTENTES:

Alcalde-Presidente D. ODÓN C. COBAS GARCÍA
Tenentes de Alcalde: D. ELOY J. IGLESIAS LÓPEZ
D. JOSÉ ANTONIO SÁNCHEZ DE LA FUENTE
D^a. LUCÍA GONZÁLEZ LOURO
D^a. ANA BELÉN PICÓN COTOS

Secretario D. CARLOS J. MÉNDEZ-LOSADA ABALO

Na Casa do Concello de Vedra, sendo as vinte e unha horas e vinte minutos do día vinte e nove de setembro de dous mil nove, baixo a Presidencia do Sr. Alcalde-Presidente don Odón C. Cobas García, reúnese en sesión ORDINARIA a XUNTA DE GOBERNO LOCAL, figurando os membros da mesma ó inicio desta acta.

Declarado aberto o acto pola Presidencia seguidamente pásanse a tratar os asuntos incluídos na seguinte

ORDE DO DÍA

1º.- Aprobación, se procede, da acta da sesión anterior

Dáse conta da acta da sesión celebrada o vinte e dous de setembro do ano que andamos, que é aprobada por unanimidade

2º.- Instancias de obras de particulares

2.1.- Instancia num. 1.554/09 de do José Iglesias Rodríguez

Dáse conta da citada instancia na que o interesado, con domicilio en San Fins de Sales, solicita licenza para a construción dun cerramento con base de bloques, postes e arame, de aproximadamente 20 mts de lonxitude, no lugar de Nande, en solo de expansión de núcleo rural (N2) segundo o PXOM.

A Xunta de Goberno, á vista do informe favorable do técnico municipal, acorda conceder a licenza solicitada, debendo as obras axustarse ás seguintes condicións: a distancia mínima para o cerramento será de 6,00 mts de distancia dende o eixe do vial; garantirase o natural discorrer das augas, e en caso de existir unha servidume de augas, deberá obter previo ó inicio das obras a autorización de Augas de Galicia; respectaranse os lindes con outros propietarios, de ser o caso; en cumprimento da lei 9/2002, de ordenación urbanística e protección do medio rural de Galicia, o zócalo de fábrica irá revestido e pintado de maneira que quede perfec-



tamente rematado. Ademais a altura máxima total do cerramento será de 1,80 mts e a base maciza terá unha altura máxima de 1,50 mts

Esta licenza non surtirá consecuencias mentres non se faga efectivo o pagamento das taxas e impostos municipais correspondentes, que ascenden, segundo liquidación provisional, á cantidade de setenta e oito euros con tres céntimos (#78,03#)

2.2.- Instancia num. 1.675/09 de don Tirso Laya Sinde

Dáse conta da citada instancia na que o interesado, con domicilio en San Pedro de Sarandón, solicita licenza para a rehabilitación da súa vivenda, consistente na substitución de tella e uralita, situada no lugar de Ribeira, en solo de núcleo rural (N1) segundo o PXOM.

A Xunta de Goberno, á vista do informe favorable do técnico municipal, acorda conceder a licenza solicitada, debendo as obras axustarse ás seguintes condicións: non se modificará o volume actual da edificación; non afectarán á estrutura da mesma a e non se alterará a tipoloxía da cuberta existente, debendo manter tanto a altura da cornixa como a do cumio, así como as pendentes dos faldróns; en cumprimento da lei 9/2002, de ordenación urbanística e protección do medio rural de Galicia, a tella será cerámica. Ademais en cumprimento do artigo 3 do Real Decreto 1627/1997, do 24 de outubro, polo que se establecen as disposicións mínimas de seguridade e saúde nas obras de construción, deberá proceder ó nomeamento do coordinador de seguridade e saúde

Esta licenza non surtirá consecuencias mentres non se faga efectivo o pagamento do imposto municipal correspondente, que ascende, segundo liquidación provisional, á cantidade de setenta e tres euros con nove céntimos (#73,09#)

3º.- Acordo, se procede, sobre cambio de titularidade de licenza de apertura de establecemento destinado a Café-Bar

Vista a solicitude núm. 1541/09 para transmitir a favor de don Martín Iglesias Ares a titularidade da licenza de apertura de establecemento destinado a Café-Bar (4ª categoría) sito no lugar de Picón da parroquia de San Pedro de Vilanova, deste termo,

Considerando que non variaron as condicións obxectivas que determinaron, no seu día, a concesión da licenza con data do 26/09/1980 e que se cumpren os requisitos que establece o art. 13 do Regulamento de servizos das corporacións locais de 17 de xuño de 1955.

Visto o disposto polos artigos 24,e) do Real decreto legislativo 781/1986, do 18 de abril, e o 41.9 do Regulamento de organización, funcionamento e réxime xurídico das entidades locais do 28 de novembro de 1986, a Xunta de Goberno Local, coa abstención do Sr. Iglesias por ser parte interesada, acorda:

Primeiro.- Autorizar a transmisión solicitada, sen prexuízo das restantes autorizacións que, de ser o caso, corresponda outorgarlle a outros organismos públicos, sempre e cando non variaran as condicións que determinaron a concesión da licenza no seu día.

Segundo.- Aprobar a liquidación das taxas municipais practicada pola Intervención Municipal, que ascendeu á cantidade de cento vinte euros con vinte



céntimos (#120,20#) que deberá ser ingresada nas arcas municipais, requisito sen o que esta autorización non surtiría efecto ningún.

Terceiro.- Notifíquese, en forma regulamentaria, ó transmitente e ó adquirente

4º.- Certificacións de obras

4.1.- Certificación num. 1 e final da obra *Ampliación de rede de abastecemento en Ponte Ulla*

Dáse conta da certificación num. 1 e final da obra de *Ampliación de rede de abastecemento en Ponte Ulla (código 09.3300.0090.0)*, incluída no *Plan de Cooperación cos Concellos 2008-2011* por importe de noventa e oito mil novecentos corenta e nove euros con trinta e oito céntimos (#98.949,38#), adxudicada definitivamente á empresa Proyecta, actividades profesionais de la construción, S.L con data 29/06/2009, sendo o director da mesma o arquitecto municipal don Fernando Faya Martínez

Dáse conta asimesmo da factura num. 09-0119 de Proyecta, actividades profesionais de la construción, S.L polos traballos comprendidos na relación valorada da certificación

A Xunta de Goberno acorda aprobar a certificación e máis a factura

5º.- Dar conta de Resolucións da Alcaldía

5.1.- Dáse conta da Resolución da Alcaldía de data vinte e tres de setembro do ano que andamos, pola que de acordo co establecido no artigo 12 do regulamento do réxime interno do servizo de axuda no fogar acórdase dar de baixa a dona Carmen Souto Rey no citado servizo, manténdolle a continuidade no mesmo en tanto non se resolva xudicialmente a efectos de evitar a súa desprotección.

A Xunta de Goberno dáse por enterada

6º.- Outros asuntos

Non se presentan

Conclúe ó fio das vinte e dúas horas e cincuenta e cinco minutos

